

Pêşmergê Zêrevaniyê Kurdistanê difiroşin Ereban

Ereb kirina Kurdistanê berî 1400 sala destpêkiriye, lê 35 salên deshelata rejîma Beas bi metirsîtirîn û xirabtirîn qonaxa Ereba kirinê tê zanîn, ku di vê qonaxê da baştirîn û giringtirîn deverên başûrê Kurdistanê hatine Ereba kirin.

Vaye 4 salin hikûmet û gel û serokatiya Kurdistanê şerekî dîplomasî û siyasî yê dijwar dimeşînin ji bo zivirandina van deverên Ereba kirî bo ser Kurdistanê û di vê rêkê da gelek kar û xebat û pere û giyanên mirovan jî hatine mezaxtin û berdewam jî tene mezaxtin, lê dîsa jî hêjî rêkeka dûr li ber kurdane û gelek renc û xwîna din pêdivê ji bo bi cî anîna vê armancê.

Helbet hêza Pêşmergê Kurdistanê jî bihemû dezga û corên xweve di nav vê xebat û bizavê da ye ji bo zivirandina van deverên Kurdistanê û parastina wan û eve jî erkekê normal û siruştiyê hêza Pêşmergê Kurdistanê ye. Û di vî warî da rola Pêşmerge gelek berçav û diyare û Pêşmerge xaleke ji xalên bi hêz ên Kurdistanê ku piştî xwe pê gerim kiriye ji bo zivirandina deverên Ereba kirî û gelek gencên me ên Pêşmerge ta nuha xwîna xwe a pir buha di vê rê da gorî kiriye.

Lê gelek mixabin van salên rewşa ne normala Kurdistanê û bi taybetî salên şerê birakujî ê malwêranker rêk ji bo gelek kevne Beasî û çaş û sîxorên berê xweş kir ku xwe wekî marekî jehirdar bikêşne nav rêzên Pêşmergê Kurdistanê û di wir da li ser navê pak û mezinê Pêşmergey berdewamiyê bi kar û kiryarên xwe ên xinizkarî û kirêt bidin dijî doza pîroza Kurdistanê û li ser hesabê xelkê Kurdistanê û xwîna şehîdan bêrîkên xwe tejî pare bikin.

Yek ji nimûnên herî berçavên van karan jî kar û kiryarên (berpîrsê hêza yek a supayê dû ê Pêşmergê Zêrevanî) ne li Qeza Tilkêf a bakûrê bajarê Mosil. Herwekî tê zanîn (hêza yek a supayê dû ê Zêrevanî) berpîrse ji asayiş û zêrevaniya devera Qeza Tilkêf a bakûrê Mosil. Helbet akinciyên bajarkê Tilkêf bixwe jî hema bêje hemû Kirîstiyanan Kildanî ne û gundên deûruber jî di ser Ereba kirina wê deverê jî ra hêjî piraniya wan kurdin.

Tiştê seyir û ne beraqil jî ewe ku şûna (hêza Yek a supayê dû ê Zêrevanî) li wê deverê hewil bide ku piştevaniya madê 140 bike û alîkariya serokatiya Kurdistanê bike ji bo zivirandina deverên Ereba kirî ên bakûrê Mosil, berpîrsê



www.kurdistan.net.org

3-9-2007 19:43:06 به کاتی ناوهندی ئەوروپا

hêza navibirî (Sefer Amêdî) û bi şîrkatî tevî (Qaymeqamê Qeza Tilkêf) dest pêkiriye bi pere bi sedan hezar mîtîrên erdî li ser Ereben Mosil belav dikin li bajarkê Tilkêf û ev jî bûye egera hindê ku ew cihên di dema Sedamî da li wê deverê nehatîne Erebin kirin nuha jî aliyê van herdu kesan ve tene Erebin û xelkê wê deverê dibêjin: eger hikumeta Kurdistanê bi lez sinûrekî ji bo van herdu kesan danenê ne dûre di çend mehên bê de ew dever hemû bêne Erebin kirin û herwesa dibêjin: Me wesa hizir dikir ku hebûna Pêşimergê li van deveran wê bibe egera zivirandina deverên Erebin kirî, me nezanî ku ev kesên (ku mixabin navê Pêşimergê li ser wane) wê deverên mayî jî bifiroşne Ereba û wan deveran jî Erebin bikin...!!

Hindek çavkaniyên ku nexwestin navên wan bêne aşkera kirin dibêjin ku: Cîgirê berpirsê supayê dû ê Zêrevanî û hindek berpirsên din jî ên ji dervey Zêrevaniyê li devera Behdînan di vê bazirganiya Erebin kirinê de şîrkin.

Li dawiyê hîvîdarîna hikumet û serokatiya Kurdistanê xemekê ji vê problemê bixû û nehêle deverên Kurdistanê ên mayî jî bêne Erebin kirin ji bo teji kirina bêrîkên hindek kesan ku wekî kirmî ketîne di nav rêzên Pêşimergê Kurdistanê da ku ew dikin Kurdistanê hemûyê bi 1000 dolara bifiroşin.

Xoşnav Dasinî
Şêxan